

Cha dirich mis' uchd no ardan
 Aig an fhailinn a tha 'm chaisain.
 Rinn sinn an so chena 'dhanachd
 Na chuir ar naire fo 'r casan ;
 Chaidh dhuinn mar a chaidh do 'n sceul sin,
 Mar a du'irt an te mu 'n t-sopan.

— x —

AN SEAN DUINE.

LE IAIN MAC AILAIN.

Air leam fein gur truagh do dhaoine
 'Bhi 'g iarraidh gu aois an-mhoir,
 'S a liughad car agus caochladh
 A thig ri aois 's ri anmhuinn.
 'N nech a bhiodh ri nert a threine
 Iomad te ga 'lenmhuinn
 'S eig'nach a bheir a bhen-phosd' d'a
 Blas a poig 'na shean duin'.

Nach faic thu 'chlann mhac is nighen,
 Ge dlighail an dream iat,
 Dha 'n dugadh e 'chrodh 's a chapill
 'S na bhiodh age 'dh-airgiod,
 'N uair a chaoliches a chasan,
 Is casadich ga 'lenmhuinn,
 Cuiridh iat le casadh fiacill
 Miothlachd air an t-sean duin ?

'N uair 'bhios a mhac an deidh posadh
 Ri cailinn bhoidhich, bhaindidh,
 A bhios fresdalach 'na fheum dha
 'S anam fein an geall oirr',
 Their e rithe, 'ghaoil mo ghraidh thu,
 Tha aiceid a bhais teann air,
 Is bidh sinne subhach, samhach,
 'N uair is bas do 'n t-sean duin'.